



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛХАД НУДИБЕРҢА

СИ' ИВ ЯЛХАНА НОПОЙ' СЕРТАБИВА'

Мэбета вадава" ила' панан' етри' мэква"!

НЯРЪЯНА

НЭРМ



№ 21 (5295)
2026 по'
май иры'
23 яля

СУББОТА

Российская Федерация Ямало-Ненецкий автономный округ



Сидяңг: Марина Ярой' гадтавы

Халыдавам'
ңате"

2

Саля' яв' салаба хая



Сидяңг: Марина Яр' гадтавы

Саля яв' сэр" нюртей мэва' ты ниць иры' юкад вата нюртей яля' хая манзадась. Тарем' нод" яха' ерки ңарханда сырэйнда пирась. Салехард' няби Лабытнанги' яха' варри" икана пан"ңаць. Палытана" хибяхартм' салаба' сэрт' ниць ңэдарабю".

Ненэця" «подушка»нэ нюбета ңанохона ңэдалёрңаць. Нюртей сава юнм' Овгорт' няд намдаваць. Сыня яха ты" ниць иры' тетимдей яля' хубтахана салаба-сялмысь. Тёняны Хаби" округ' няд хэңгадавы салаба янамбовна нерняри' миңась.

Нуво" серо тасламбади" ңэвахана мэна ерв Артём Кошкин тарем' лаханась: «Ңахат Саляң-

Тюку по' нарэй" нувона" мер' то". Саляңгарад' ңылна салабава" мале хая. Сидя хардахаяона" помна ңэдалёрта" ненэця" пон' ниць ңатена". Хубтахана манзаяхато' ңэдалёрць, пэвсюмя' няна мякто' тэворць сиддо' ңарка" ту ңано" вэрамби".

гарад' ңылна салабада ты" ниць иры' 22 яля' пиркана ханцеты. Тюку по' нумда ибарка ңэсь, мерарка хэңгадэй". Сие ниць иры' еркана яв' салаба 109 см' пирувна няңо"ңась. Тикы латдада ңани похот ңокарка. Тарем' нод" нарэй мерця ядембада хаер' сэвм' няць мер' нюлмдадинзь. Ңарка тецьдава" ңани' яңгусь. Ңадбьята ибэй идм' мер' манэ"ңава"».

Ңэрм' тер" нина" нум' пунңэ иринато' мэ"мы" вади тензиб-тембиць. Нарам' мер' товандаңэ

ваде"ңадонзь: «Халэвна" то". Тедахав' ненэйвана яв' сэр" хэңгадаңгу. Нувона" нарэйма". Ихинана" маймбива". Хохорэй" ңани' ңадимяць. Тарця" нув' сармик" това' пуд ненэсянда тадри' ибэй идм' манэцетыва". Салабам' си"ив яля' пиркана хэвандаңэ тасламбива". Ңахат тарця ңэсеты".

Ненэйвана невхы нум' пун сиякада яңговы. Ты" ниць иры' 16 яля' таңар" няңота яв' салаба мюсельяць. Теда'

ямдананадарев' Аксарка' ңыламна тамна' тяха' миңа. Харэңо" помна лимбякако мерця тэри хылвонорңа. Ңарка"я" ңонер" нидо' нертембадарха". Ханяңэхэна нултанараха" ңэсеты", тикы' пуд нылавэдрев' ңани' ендад' сер' пясетыдо".

Ңамгэ' пират сидя хардахаяона" помна тиртя ңанори" тирңаць. Ты" ниць иры' юкад вата сиддетимдей яля' вэркода" ту ңано" манзара пэйдаць. Та' пи", ялэ" ямбан' ңэдалёрта". Сата мерцяри, я"авлада синёри сиддо' табла пирта".

Галина Окоэтто'
падвы

Вырэй ненэць'

Окоэтто Альберт – яна" тиргэвна юнета илебей ненэць'. Пыда сёётэй ңэванда хавна тамна сёбар" серо нерня' тидхалемби. Ңани яхана илебата ңод" соя"ма' ямда нида юрыбю".



Сидяңг: vk.com/otokote няд ханавы

2 стр. ңа

Падтаңгода некоця

Яр-Саляхана тохолкода" ңобтики падтаңго тоходана". Пыдо' «Юный художник»м' нюбета падтаңгурти" ңобт' ма"люлаңгалава' ян' ядэрңа". Ңопойнядо' Мария Ваной Сочи' хардан' хан"мысь.



Сидяңг: усчг89 няд ханавы

3 стр. ңа



Няхалдю" пуң неч' няңахаң

Тадкахана куптан ңокна дидина", нитуң хомана ватамы" мятчел", чики дяляхана ңопт кайна нешай" патлаптапёта мят ңомаш". Чикидю" пуңкна маня" Айваседо няхадёна – Сергей Альпивич, Марина Мэювна тадымэңаханьш.



Таттама: Лариса Айваседо таттамы

6 стр. ңа



Сидяңг: Марина Яр’и талтавы”

Халыдавам’ ңате”

Халыдана” серо нерня’ мин- рена департаментхад ханзер” сыв’ ватаңговандо’ нямна юнм’ намдаваць. Тет иры’ ямбан’ округна” тиңгывна 1440 тонна халыам’ ватавы”.

Халыам’ сидя ю” мат” предпри- ятийха”на хадабавы”. Сямьхат ңокам’ Приуральской, Тазов- ской район’ тер” ватавы”. 421 няби 415 тонна халыам’ ңыдавы”. Шурышкарской, Ямальской, Пу- ровской, Надымской районха”на ңод” ңобтикы варемдо’ мэ”мы”. Тикыдо’ пыри”, нёя”, палкур”, пайха”, идюрця” ңэвы”.

Тев’ ёльцяңгана ёртя” таңы

ватаңговахандо’ ңанэкурңа”. Пы- до’ маңгыты” иры’ еркана ватаңго пэңгуд”. Тедари’ поңгадо’ нэкалпи”, ңанодо’ лаңган’ тэврамби”, тараба- та бензиндамдо’ ңанэдамби”. Тюку по’ округна” тиңгывна няд”мидо’ тамна ңокамдавыдонзь. Ѓоб” тон- на таросыда” халэ” (пыри”, нёя”, лысу”) ватава’ няю’ 136 есям’ ңоб” кила’ е”эмня салдаңгу”. Ѓахат тикадо’ яланда юр” сидя ю” есясь. Ерводо’ предприятийха”нато’ недбидо’ харто’ недво”мы” еся- хатато’ салдамбаңгудо’. Няд”ма’ есяңэ туртахат халыдани”, ңытна”, тамна ңани” икня нядаңгоди” нед- бям’ ңокамдамбаңгу”. Тикы’ хавна «Меркурий» мутрам’ мэ”ма’ ням-

на лаханаць. Ти- кар халы’ тэңзм’, ханяна ватавы ңэвамда тамин- да тасламбида. Едэй мутрадо’ интернетсипой” ңани’ манзара пир”ңада.

Приуральской районхы Ак- саркахана ватабада халыамдо’ ңокамдаванзь тасламбидо’. Теда’ танияна таңы ёрмахандо’ хамеку”. Ненэйвана ханибтеңгось’ ту ңанудо’ сававна сулурпи”. Та’ халыам’ ма”ламба ңэдалёрпато’ хусувэй тахаңгана мотор манзаям’ пуня’ пэрта. Таңоцяңгана ман-

зарана” ёртидо’ сала- банда хэвам’ ңате”.

Ты” ниць иры’ 20 яляхад маңг- ты’ иры’ 15 яля’ ңэсонд’ округна” ңарка еси”мана ёраць нидо’ ңэ- дарамбю”. Салы’ Яв’, Тасу’ яв’, Пур’ яха’ няна поңгарць вэва. Та’ ёльцяңгана халы тиребямда ха”аврамби. Ня”амравы” ненэця” ңока есям’ салдамбаңгу”.

Марина Яр’ падвы

Ѓарка март’ ңэдалёрңа”

Ѓэрм’ тер” ңацеки” е”эмня округханана” #Путеше- ствие89 проект тания. Хусувэй по’ сиддо’ тодо” марад” нямна ңэдалёлтамби”. Тарем’ хуркари” тохолкость’ я манэсарңа”. Харвабцондо’ ңадимб”, школандо’ пуд нерняңы илаңганандо’ тараванда манзаядамдо’ тохола- ванзь тания’ хэсь пиргадо’.

Тюку по’ нито’ нерня 10-11 классха”на тохолкода” Санкт- Петербурган’ ңэдалёрмыць. Самляңг ю” ңацеки” хуркари” юнета’ университетха” тюңгавы”. Тикы”: Государственный университет морского и речного флота им. С.О. Макарова, Санкт-Петербургский горный университет императрицы Екатерины II, Санкт-Петербургский государственный аграрный университет, государственный лесотехниче- ский университет. Ѓули” яңгана илам’ харто’ сэвханато’ манэ”мэдо’.

Ѓани ңопой яляханандо’ А.И. Герцен’ нюомам’ мэта уни- верситетхана мэвы”. Танияна тохолкода” нидо’ торомдавы”. Ѓэрм’ тер” институт’ нермбэртя Софья Александровна Урун няңдо’ харакудо’ сер’ хусувэй ңамгэм’ вадэ”мы: сян по’ ямбан’, хурка” манзаи тохола пирта”. Неноховавна мя- донда” ңацеки” Ямал’ тер’ няць лаханакурмы”. Нядандо’ ханзер” тохолковамдо’, ханяна илевамдо’ намдавы”. Не- нэй вада’ лохон’ тюңгавы”. Танияна манзарана Виктория Васильевна Валенкова (Вануйто) ңобтикы няңдо’ сава” вади мэ”мы: «Варемда” мэць тохолкурңада”. Сяхари’ ненэй вадамда”, иланда саирм’ нерня’ тидхалембадаңэ пыдара” тараңгуда”. Школа’ пуд сидта” тюкона ңатенгува”. Тюку институтхана сямьхат ва”лэй” студент” тохолкурңа”!»

Москва’ март’ сидя ю” ңацеки” ңэдалёрмы”. Ѓобтикы тодо” тохолкость’ я манэ”мы”. Тарем’ мядомадо’ нянандо’ ңарка таром’ минре. Мякандо’ тэв”махадандо’ маси” нерняңы тохолковамдо’ таслаңгу”, пудана” экзаменто’ нер- цона варемдо’ мэць теневабцудо’ ңокамдамбаңгу”.

Галина Ѓокэй’ падвы

Вырэй ненэць’

Окоэтто Альберт – яна” тиңгывна юнета илебей ненэць’. Пыда сёётэй ңэванда хавна тамна сёбар” серо нерня’ тидхалемби. Ѓани яхана иле- бата ңод” соя”ма’ ямда нида юры- бю”. Ханяри’ тэворпата, Ямалхад ңэвамда естри’ вадецетыда. Ирината ила’ саирм’, ненэй вадамда ныхында ңарамдамаңэ мэта то”олхыда.

Тандая’ няданда ңани’ едэй юнм’ намдаваць. Россия яна” ңарка маркад Ямал’ няю’ тованзь мэ. Тэри вуни ядаңгу” – варемда мэць сюрмбаңгу. Ѓопойриңэ мээ сехэры’ ядувна Ѓэрм’ ня’ нэкалтада.

– Сава нини”, маңгыты” иры’ нюртей яля’ Москва няд Ноябрьскан’ пяңгув. Сехэрэни ямбада 3200 км’ пир” ңэңгу. Хусувэй яля’ 55 – 60 километрм’ пир- далембаңгудм’. Нянани хонё мэта” ңаворини”, ңаврани”, имбытадони” содаңгудм’. Сюрберць мэта «коляска» мю’ мэңгун. Москвахана сямьхат не- надо Красная площадь нюбета яхад сюрмбаңгудм’.

Ты” ниць иры’ 18 яля’ интернет’ мутрам’ няд”мяць таславы серта нямна лаханась:

– Си”ми ненэця” естри’ хонрамбасеты”: «Сюрбермар тикы ңамгэ? Нянанд хур- ка тарода тания? Ханяд тарця иңудм’ хосан?» Мань теда’ няхаромдэй мэва’ сюрмбаңгудм’. Нюртейвана 2022 по- хона Нядаңгардахад Салыаңгардан’

тэвыдамзь. Сёбар” тарця сюрберма’ тэңзм’ «ультрамарафон»нэ нюбе”ңадо’. Тамальгана ими ядэр”ңась: «Тамна ңамгэм’ серта сава ңэдакы? Тарем’ Харпхад Ноябрьск’ ёльцяңд’ вэңгалёда” сехэрым’ пирдале тасладамзь. 2024 по- хона нябимдей мэва’ сюрмбидамзь. Ямалм’ ңарханда сюртена то”олхав. Теда’ соя”ма’ яхани Москва’ няюд тутадм’. Тарем’ ненэй ненэцяңэ невхы илаңгад мэбе”мава” ңадимдембидм’.


Лахарёмда ңарханда намдаван хар- вабата” Альберт’ страницахана хоң- гура”. «Няръяна Ѓэрм»хана ханзер” сюрмбавамда тамна падыбаңгува”.

Галина Кинчина’ падвы



Сидяңг: vk.com/otokote няд ханавы”

Падтаңгода некоця



Сидяңг.: усуг89 ниял ханабы

Яр-Саляхана тохолкода" ъобтики падтаңго тоходана". Пыдо' «Юный художник» м' нубета падтаңгурти" ъобт' ма"люлаңгалава' ян' ядэрџа". Ыпопой нядо' Мария Ваной Сочи' хардан' хан"мысь. Ёльце юнета тохолкулава' яхана «Сириус» хана теневабцода ман"лабтавысь, ненэця" падта"мида џули" саву"мыдонзъ. Нямэркахана Лиана Худи' ня' Москва' тер' минрена «Волшебство акварели» конкурсахана мэвэхэнзъ.

Мария' манзая нюртей ян' ха"амвыць, нябиом' – няхаромдэян'. Не џацекэхэ' харти' соя"ма' ямди' падтавэхэнзъ. Сидя яџорэй' џэда конкурс џэвысь: нерня' тэри интернет' мутравна, пуна видеокамера' сер'. Мария нюдя џэдаханда падтаңгурџа, тидпой' тикы серта няхар" по' минреда. Теда' юритевы џолепяха"на падтаңгу. Ядембада я' няю' харта ва"лэй џэванда нид тэвавы". Россия' ханярид товы" тет юр' мян' џацекы" поңгана падтаңго пирдырмы. Ядэро"мита нямна «Яля' сэв» яңга мандалџгава' яхана лаханавысь. Нянда инзелеванзъ хибяри" товыць.

– Мань тамбирувна пон' сяхаңгарт' нисетыдм' падтаңгур". Ыпопой си"ивихана нянани тетри час мась џэсеты. Тайхавана хубтахад пэвсюмя' џэсонд' џамдэсетыва", мат" час'

Падтаңговам' хой' тер" џацекы" мал' харвабтасетыдо'. Сямбир мел" џэвамдо' таминдо' џадимде нидо' пирас". Тандая' тоходанана џацекы' хэван' торомбэй, вырэй' ненэць' ерембата тикахана џацекы' џамгэхэван' неневна тохода.

пирџэ хан"џась. Таремгав' ненэцие" падтамба харвобтадм'. Сяхари' тюку пявы сер"ми, маси", илани сехэрэңэ ханданагы.

Сита тохоламбада Валентина Юрьевна Конева' вадавна, «Сириус» сертабада тохолкован' хусувэй хибям' ни" ханабю". Тая' хэва' е"эмня ёльце сававна хамэдэ тара.

Ненэцие нюртей ма"лавахананда Мария похо" џобт' ма"ламбавы" падта"мида џадимдесъ, мядонди падтаңго тохоламбисъ. Сита тидхалембаданди' ня' ненэцие лаханаконя" џаханзъ. Няданда хонарковыць: «Тад нерня' пыванда" серода хурка"?». Пыда мамысь: «Ўани харад' нямна џэдалёро"мани пуд пир"мами хамэдавасть».

Ненэянда харе" пыхыдан' пунрёва ненэциам' мэбеламбида, џаха" тэврамбида.

Анна Яптикы' падвы

Таңы ялэдо' сававна мэтыдо'

Тохолкода" џацекы", илебей" ненэця" тадри' таңы ныланава" ялэдо' пэңгуд". Е"эмнандо' хуркари" илека" сер" таяңгу". Тэри џопой яхана ни" џамдэд", џанидо' ядембада" ё" няна ныланаңгу", џани" нидо' манзараваңдо' сер' яна" сяр' нийм' хабтомдамбаңгу", џарка нидо' нядабаңгу", тамна савасеро тидхалембаңгу".

Тюку та' ямбан' Ямална" џардавна џокханда си"ив юкад вата ныланава' я" манзараңгу". Си"ив ёнар" џацекы" таяна мэңгу". Ўани" яха"на ныланавандаџэ мат" ёнар" џацекым' тасламби". Сидя ёнарто' Краснодарский край' ня' џэдалаңгуд", тамна џанидо' – Тюменской областан', Крым' ня' хэванда".

Сие ниць иры' еркана «Я на отды» порталхана небянадо', нисянадо' мале џацекыдо' таңы ныланава' яхато' падыба паядонзъ. Маңгы" ирыхына ныланаванда" билетадо' теда' тэмдабидо'. Ўахат сер' мирци" џэдалёрманда": маңгбадарка", џока нюсавэй" мяд' тер" ню", евако", нисянадо' СВО' няна сайнорта" џацекы".

Илебей ненэця" ты ниць иры' сиднетимдей яляхад харвабцото' сер' таңы манзара ядамдо' тэра пирџа". Харад мимбади, халям' хадабади нядабаңгу". Таңы лагерьха"на мэна" нито' нермбэртяңэ тараңгу". Лекар" мяка"на нядаңгурта". Школахана тохолкода" џобтики манзараңгу". Неноховавна харад' поңгы" таборо ма"ламбаңгу".

Тикы' хавна «Юные геологи» проектхана мэсь пиртадо'. Тая' џобтики leto.yanao.ru. порталхана падродо' џэдабтамбаңгу". Тюку по' Пэ" хоё' няна си"ив яля' ямбан' илеңгу". Рай-Из нубета хой' нямна ядэрта". Сиддо' тидхалембадаџэ М.В. Ломоносов' нюмам' мэта университетхана манзарана" тута". Ўацекы" џарка нидо' няць я' нийм' тохоламбаңгу". Едэй теневабцудо' маси" сяхари' илаңганандо' няд"маџэ тарабцу".

Галина Ўокэй' падвы

Падтаңго, падна пирдырмы"

Тандая' џадимы таянэ тэңз" хэбидя яля' няю' округна" «Ассамблея народов России»' няби «Ямал» м' нубета авиакомпания' џацекы" е"эмня конкурс м' сертавыць. Нюмда – «Моя Родина – Ямал». Нюдякомбой 2-12 пота" падтаңгуць. Ўаркамбойдо', 13-18 пота" паднаць.

Саляңгардахана тохолкода" харто' индо' ядэрабцо падыбавыць. Тикы' хавна џэрм' тер" нямна џэда лахарё намдавыць. Нюртей гимназиян' Ассамблеяхана мэна Сусой Светлана мядоманзъ ядэрмысь. Тарем мась:

– Ўацекэхэ" џэрм' тер" ненадо яляңдо' џадима' нямна лаханадамзъ. Яханана" хурка ненэцие" тэңз" таянвам' ваде"џадамзъ. Тохолкода" нядани ёльце хонаркурџаць. Намдаван' харванандо' џокась: ненэй' ненэця" ханзер" иле", миосерць ханя' тэворць

пэрџа", џамгэ' то"олха ембдяро мэ"џа". Лахарёми ёльце"мяхадани мал' џобзер' тарем' таславаць: «Ўэрм' тер" похо" тюку яхана иле", иландо' саирм' нерня' минре', невхы табеку нидо' юрыбю"».

Ўокханда 194 манзаям' ня"мавыць. Манзаи манэсартаџэ «Ямал-ню"на" я!» Ассоциация' џэвахана мэна Эдуард Яунгад, падтаңгода няби тадтаңгурта Вера Пацева, округна" «Ассамблея народов России»' џудандана Галина Косыгина мэвыць. Падтаңгоди" поңгана тэравыдо' «Ямал-ню"на" я!» Ассоциацияхад яңга џуда' терм' ня"маңгу. Ўанидо' ненадумда"ми" падро, џуда' тер округна" «Ассамблея народов России» мита.

Тарця ненадо сер" Россия' џардавна илена" тодо" тэңз' ненэцие џоб" няю' нясламби.

Ўанине Яптикы' падвы



Сидяңг.: Галина Косыгина' тагы"

«Няръяна Нэрм»', недарма

1931 NARJANA NERM

1949 НЯРЪЯНА НЭРМ
КРАСНЫЙ СЕВЕР

1972 НЯРЪЯНА
НЭРМ

1987 НЯРЪЯНА
НЭРМ

1991 НЯРЪЯНА
НЭРМ

1997 НЯРЪЯНА
НЭРМ

2012 НЯРЪЯНА
НЭРМ

2020 НЯРЪЯНА
НЭРМ

По' мэта ялява'

Май иры' цабиата хэбидя яляда цока. Цопой царка ялямда хусувэй ненэць те невада, цатесетыда. Тикы — Цобедан' царка яля, невхэна саюв' малемья яля. Тамальгана тарем' таславдонзъ: Май' 9 яля пили' хэбидя яляцэ толёя. Я' ханярина тикы ялям' мэцетыдо'.

Салехард' тер' цод' тикы хэбидя ялям' хусувэй по' мэцетыдо'. Теда' цобтарем' тикы яля' саюв' похона сидна' цэдавы ни'на' ед сейхад

Цэда вадн мэ'цаваць. Юкадвата цопой час' пиркана ненэця' памятник' хэвац' малыць. Тикы памятник музей хэван саюв похона янгумы ненэцие' няюв' цабтавы. Хэвханада тацота сырита ту лэйна.

Митинг' пуд ОДКНС' хардахана кино цасъ. Ханяны' кинон' сырцаць. Цани' ханяны' спортивной сянакохо'

сырцаць. «Красный Север» газета хусувэй по' тикы яля' спортивной пирдырмам' сертабасеты. Хибя харва тикы' сянакосеты: школаха'на тохолкода', училища' тер' манзарана' ненэця'.

Тикэнда, Май' 9 яля — по' мэта ялява'. Хусувэй мякана саць царка хэбидя яляцэ толы.

Харна' ненэця' вадавна цэда газетава' «Няръяна Нэрм» цамгэнира' толабю'? Толацго ехэрада'? Хусавэхана толабацгура' — тоходнидам'. Тюкохана хурари' серо падыбива-

Ямальской районхана цэда «Россиям» нюбета совхоз ты' пэртя' хэвы похона планодо', социалистической обязательствидо тихиндо' томдэйдонзъ. Газетан' паднанава' Х. Сэрьяламдик тикы совхоз' директорм В. А. Вахнинам ядабтась. Няданда' ненэцието' манзаравам серокута сер' хонрадась.

— Пэдара' поугана тыда' ханзер лэтамба-сяда?

— Тюку по' сыв ёльцяцугана саць тецисъ. Таддикад пэдара' няна сидя' сарёсь. Цобтарем ты' пэртина' тацгм ниць хомбю. Писавэй яля' тыдо' ерамбидонзъ. Сырэй иры' ямбан хавы гэва' 28 ты. Тэре ёховэва' 4 ты. Тикы хавна 44 вынхала хаван' харвана тэва' носи цаврацэ хабаръянаць.

Сыв' ёльцяцугана Та-набци, Сармик, Ярудей еси' няна ненэциена илещъ. Тыдо' толамаха-хадандо' цэрм няна, ханта цэсына' тер' Саля явм' сятаняюв ма-дадонзъ. Теда' цавра-дамдо' тэмдаби'.

Тикы нито' пумпа хой' нид салэрта цэ-сына тута'. Тедари' та-мна пэдара' поугана мэ'. Маня' цадьбяна



Нерняри нюта'



тарем таславаць, хэвы масъ. Тикы хавна цар-пона' цэрёхана пои-ибась. Ты' пэртина' цо-пойри яхана минаць. Нарэй мэманда ямдо' тыдо' нули цамадонзъ. Тиканда ява' сямана е'эмня. цани' цэсына' пэдара' няна пэръяна'. Цодъ, нюртей варю' цадима сер', сыра' хол-кана пэмахад Саля явм' цани мадацгудо'.

— Ханяны' цэсында тер' нюртей ям' ханаса'?

— Социалистической пирдырмахана нерня-на миндя цэсыва', Пуп-та Худи ня'амбида. Не-бой по' государствава тикы цысыхад 508,6 центнер цамзам ня-

ка тыто' толырм 99 процент пирувна лэ-равэдонзъ. Тарем са-вавна манзаравы ни-то' пумна Владимир Климов, Ирико Пыри-ко, Григорий Климов цэсы' тер' мица.

Цабцато' хэвы пова-ты' пэрмахана саць са-васъ. Ханзосъ, неняцг-тянэць. Цани' цэсына' цод планодо', социа-листической обязатель-ствидо' томдэйдонзъ.

— Небой по' ты' мор' пардонцэ сертава' е'эмня маторпидаценё? Тикы манзаяра' ханзер мица?

— Маня' совхозва- сидя по' тарця серм-

мире. Хэвы по' няна' 75 килограмм морам' мадаванзъ таслаць. Ти-кы манзая незел ни' ца. Няхар цэсыхана ирколаваць. Мор' ма-да'махадана, тыраб-тэйнаць. Теда тин мю-ня цылы'. Управления-ва нарядм цэдараван ни' харва'. Ханзер' пэр-манцина цэдакы.

— Тад товандо' по' няюв' ня'амвы планодо' хурка?

— Юкадвата нябим-дей пятилеткана' ня-бимдей похона томда-баванда планана' цар-ка. Хусувэй юр' сыва яхадейхад лэтраванда-ва 77 сую. Обязатель-ствадана' 79 суюм таславаць. Таддикад царка тына' толырм 97 процент пирувна лэтраванзъ таславаць. Теда мэта пона' цэрё-хана государства няюв 4200 центнер цамзам миманзъ ваторпива'.

Ненэциена планодо' томдаванзъ мал' хаме-ды'.

Тюку сятаняцы тад-тэда сидяцгахана ма-ниенара Ван Пива-вич Сэротэтто. Сидя хасава нюдя ты' пэр-тяцэ тарацаха'. Няби сидяцгахана нюртей цысыхана манзарана ненэцие бригадир В. И. Климов. Цыляны' си-дяцгахана цэсыдо.

МАЛКОДА НЕ'

Теда' совхоз' ты пэр-тя' тацы илебей цувм цормы тыдо' забойка' яркыби'. Ханяныдо' со-вхоз «Ямальскойхана» мале тыдо' хабарла ма-лейдо'. Тамбей' харда-хана, хэбидя ялэ' пуд, тандая' хабарта пэй-даць.

Телахав' ныхысяда, пенсийхана мэна вэса-ко' вуни' хабарт'. Ца-цекэрка' ненэця' забой-кахана хабарта'. Тикы' хавна тамна сиддо' лу-ца' нядабаванзъ намда-ваць. Тикахана Там-бейхана мэнакы'. Та-

ремцод хабартана' не-пада не — Вэнго Га-лина Васильевна. Итя-няцэнд, хабартаванзъ Цабтенья' наду ниня, я' мал' пыя няна Табри-Саляхана иле. Пыда-цод совхоз «Ямальской» няюв' цока таром, се-лухуцяда пэвдей' иры-рта. Теда' пенсийхана хана, тешда хад'хана мэ'. Тиканда нерня тыда ма'ламбацгу. Си-дя малконзъ хабтхана хэцецгу. Хо'абатна ню-мда хан' вэйняна цоб-пэмбюртада. Сидя хэв-ханада, сидя хортида тыда пыя' танабиди'.

Сидяцгахана мание-нара' ханамда подер-

— тас ю'.

Паднавы, сидяц-гам тадтавы Н. Огнев.

Газетава' толабира?

не'. Почтахат', лабка-хат' тэмда пиртара'. Пыдра' цод' падувтара' ханя тания'. Письмоха-

на редакторкана цэда-рамбида'. Сидяцг' цэя', лаханако', иле'мя', пад-тавы' рисунок'.



1990 похона падвы'

Сидто, тотрев, мэбе"ма сава

Тюку по Сензувна илева по. Ва"лэйхат ва"лэйна" нани, һадиберһа". Нямэхэна сидндет нява" Яр-Саляхад Салемал, һэсонд, ламбитари, тэвавыдаць.

«Марафон Победы» ламбита сюррамбавам, 1973 похона сертавыць. Юд, мян, вырэй" ненэця" хахаяда харад, һэсонд, хэсь таславыдонзь. Масито, ниня минарта" падкоридо, содавы". Нядаңговандаңэ хибяхарт нянандо, нивы ту", һамгэхэрт пармаси" хэвы". Выңгы иланд, торомбэй" сёбар" юр, мян, километр, таңга мадавэдо. Нерденадандо, Хатяко Мэйкович Езынги таравы. «Самляңг ю" по" тяхана маня" һыхы ян, ламбитари хан"һаваць. Иринана" һарка сайнормахана саю пирдалева, ед, сюррамбиваць. Тамальһгана пилютава", я"амнава" яңгусь. Я, поңгана хибяхартава" нись тыхына". Мал, сававна тэвынаць. Тикы иле"мява" тенат, тенева". Пыдара" һод" пявы сехэрэва" нёра" нидпю", тамна, тяха, нёдара"», – Салемалан, тэвраванда лабакм, Едэйко Сэрпиван, мипаванда сер, табековы.

Юрий Салиндер һока мэва, райоңда ед, ламбита пирдырһась. Тарця серкана ёльце пир"һада. Едэйко Сэрпива, Иван Худи, Диана Яптикы, ня, хусувэй нара, Саляңгардан, тэворцеты". Юрий тарем, лахана:

– 70 километр, пирт, пон, ниваць мий". Пуна сырада нюлартась, ламбина" тадаңга пэйдаць, һайхад сы"һась. Нёдалавана" нерцю" теневаваць – нензел" ни һэңгу". Манзяв сидя иры, пирт, пыхыдами һахакуд хамэдамбивась. Ялэхэ" ламбитасетыдм, ханяһэхэ"на яляхана сидя, хэсетыдм". Яңга е"эмняна" тарця ялям, сертавадо, ихиня ёльце сава. Теда, манэ"һава", хахаяда" хардахана ламбитавам, мэнена" нина" һани, таниявы". Ихиняни по, ямбан, ламбитаван, харвасетыдм, та, лыжероллер, мэць пир"мы һэхэваб"на", һобң-



Сидяңг: уамалһмс няд ханавы"

гэв, едейкуртаваць. Сяхари, маси", яңга салмуй сехэрэдна" хардана" помна сертаңгодакы". Хусувэй хибя ябдая, нерня, һэя!

Мимандо, ямбан, хэвханандо, лекар" мэвыць, пумнандо, трэкол" мимыць. Панаевск, һэсонд, таңга тэвавыдаць, сехэры мюмня тирць минда то"олха" һэвыць. Панаевскхад нянандо, тум, хабтабадаңэ тарана Алексей Нюкдэта товысь:

– Илебей" ненэцие" поңгана хибяхавадо, һаркамбойһэ сидна" мание харобта ламбита пэңгоданакы". Нерня сацьри, мер, һэдалё пэвываць, пуна ханэйвана минзь пэвани сер, савась. Нэй, һэбта, һод" техэ

яхани таңга тэвываць, нидамзь выдара".

Хусувэй хардахана сиддо, ненадо мядондадрев, һатевыць. Ямб сюррамбава, хавна тохолкоди" ня, «Гордость народа» лахарём, мэ"мыць. Невхы" сайнормы", теда, ява" лэтрамбади" ненэцие" яна" ед, һарка таром, тэврамба"ма, нямна лаханавыць. Тикы, хавна тамна яля, ня, һэда серо, һадимдевыць. Серм, минрена" һани, похона һани, тарем, ламбитани ма"ла ена".

Анна Яптик, падвы



Сэрнеми һаха"на иле

Мат" ю" самляңг по" тяхана паднана" няхаюна" Василий Ледков, няби Алексей Пичков, һобанзер, падвыди, һадимяць. 1961 похона Архангельск, маркы издательство сидя ёнаркад вата книга, сертась. Тамальһгана нюдякоця", паскойвана падтавы" манзаиди, хой, һэсы"мана ханласетыдо".

Книга, сякана тюррамда ня"амбада һацьмбой тыбэртя падтавы. Саңода паным, мэта пирибтя, няю, һэдараваы. Сэвкуда таси, сырһа", ванебтёсь ну... Сэрне – сэв париденя хой, пирибтяко. Сеңгакоця, мун, тотрев, сёкоцяда со, мел, некоця. Пыда сита то"олха пирибтяко, нямна няхаюна" һока стих падвэхэ".

Алексей Пичков, падвы «Сэрнеми һаха"на иле» нюбета сборник «Хари" яни таңго мэнелһадм"» стихотворенийхад пэңга. Тания, һокханда һахар" юкад вата падвэмда паклевы. Вы, тецьда, һэрм, яна", тамна һани" тарана" һавэ" нямна һа". Паднанина" харе" ямдо, сётамби". Пыди, хойхана мюсерта" тыбэрти" мякана соявэхэ", Канин, хойхана, Нярка я, няна вадёвэхэ". Школахана тоходанаванди, мальһгана мале падна пэвэхэнзь, Алексей луци, вадавна, Василий хари" вадавнандо паднась.

1961 похона һадимы нюдякоця сборник, мю, һока стих ма"лавэхэнзь, поңгнандо, сававна тенева"на – «Сеңгакоця», «Едэй хардахана», «Суюкоця»... Ненэця" тенейдо, толабидо, ханяңы" тева, ёльцянд, лэтамбидо. Сяхари, вадець пирьядо. Паднавана" ява" манэ"лабтамби, хусувэй һамгэхэна харе" вададамда хосеты... Хой, нямна падвыда сёңзя, мюйм, тахабтамби". Тарця, толабат, вы, якоцямд манэтархан, һэңгун. Невхы" похо"на һэрм, яханана" несэй" һадимы" серо" нямна паднаць. Ханзер" тыбэртя" хойхад хардан, илеванзь ха"морһа, несэй, илам, мэ"һа".

Алексей Пичков, падвыда хайнана, то"олха". Василий Ледков, ил, мэсы, нямна тасалковада һади, тикы, поңгана ханяна ёненавамда маниева". Мат" ю" самляңг по" тяхана һадимы сборникханда сидндет яңганя стих" еремы", мал, ненэй, вадахад, луца" вадан, сертавы".

Тюку яля, сян юд, мян, по" ваерась, маня" тарця сборникм, ня"амбасетыва". Нярка, няхаюна" падвы, танияд, толабасетына". Тарця, книга, яханана" тамна, хова, пир", библиотекаха"на, нина" лэтамбидо, ханяңы" мякнандо, «Сэрнеми, һаха"на иле» книгадо, тания.

Юлия Талева, падвы

ОБЪЯВЛЕНИЕ

СВОИХ НЕ БРОСАЕМ
ВСТУПАЙ В РЯДЫ РОССИЙСКОЙ АРМИИ

КОНТРАКТНАЯ СЛУЖБА
6 700 000 Р
ЕДИНОВРЕМЕННАЯ ВЫПЛАТА НА ЧМЛЕ
4 000 000 Р

ПОЛНАЯ ИНФОРМАЦИЯ ПО ТЕЛЕФОНУ
8 (902) 816-11-90
8 (34922) 3-98-08
ЗВОНОК ПО РОССИИ БЕСПЛАТНО

МИНИСТЕРСТВО ОБОРОНЫ
РОССИЙСКОЙ ФЕДЕРАЦИИ
contract89.ru

Ямалхана СВО, нияна сайнорта" ненэцие", мято, тер" е"эмня, һадимдевы" няд"ма"



Интернет, мутравна сидна" хось пирһада", тюкон, тюда"





Мансда хайму” нятапёмы



Дилта дямпан мансламы. Ёука њайватам хайму” нятапёшь мэштомай. Екатерина Аучевна Пяк 1930 похона дяляманымы. Ёадка дяна чел” хэлаку” лусаха”на хайнольш чепьмахана Екатерина Аучевна њуп’ дянкя пота њаймай. Кыдипёш каймянта нельня ведкдата Ёайвашата њаймай. Калпюд няна выњкна дилдмай.

дём њанохана дямташтомэт. Дямкна дёледьш катамайтуњ калдитуњ, вомантуњ тай” хана пяй” бочкаха” хылдуташтомьтуњ. Тадьша њайватам мякна мэна” нењи”, њашки” падельштомьтуњ. Хылдутамамуњ нельня њукадя’ ай калдитуњ пяй’ лапты мюњ мышчеш викна калташтомьтуњ. Хэльдья’ ай, кынюњ калди” калтампёш њуча каньняштомай.

Таньше дяњи” тахана манслаш дёдыше выгалаштомай. Нешањи” хылдутама” калди” ту’ њанохана Халяњкалтан канаштомьтуњ”.

Хайнодма похо”на неша” писамэњ мансдаштомай”. Ни’ њашки’ уди њадка нета нятапёшь калдиташтомай, тыхудьштомай, каньдяштомай. Ёука каляхана дёдилмантуњ мэты Тазовский’ губањ ня-



Таттама: Лариса Айвасседо таттамы

Кудкањи” шейхана лимпья, хома вачи” намтња”. Талкахана куптан њокна дилина”, нитуњ хомана ватамы” мятчел”, чики дяляхана њопт кайна нешай” патлаптапёта мя’т њомаш”. Чикидю” поњкна маня” Айвасседо няхадёна – Сергей Альпивињ, Марина Мэювна тањямэњаханьш.


Чильниймана, хома шоньшахана неч’ няњахањ. Сергей Альпивињ, Марина Мэювна няхалдю” пуњ њокна дилињахањ. Четањ пы’чи Калпюдкат тоњаханьш. Сергей Альпивињ дилта дямпан манслања. Тамна нюњањё манслаш чепьњаш, нельчезей Талкахай совхозхана ты” падельш мансдаштуш, чикехет калдиташ чепьњаш. Калпюдкана общинам шедтамахагатањ, таньняњ манслаш чепьњаш. Четањ тамна калдиташту. Пу” тахана калдита” планым чемнанта коштута. Пы’та куптањ хомана мансламанта де’эмня ветеран’ Ямала, труда званихињ ня’амњаш.

Чикињ камна кудкањи” награња” патлота” тањя”. Мансламанта дямпан ши’та кёвхананта мэнадюм нятапишь. Сергей Альпивињ, Марина Мэювна пон њуп вив мэш дилињахањ.

Марина Мэювна дёдыше чильний ни. Хайтулапнанта дёдыше медь, њайвапата ха’ња. Шањкмян выњкањ дилант талана мансдям шедтамам чедимьяња. Выњкна калдиташ мансламанта камна, Тобольскхана



Таттама: Лариса Айвасседо таттамы



Таттама: Лариса Айвасседо таттамы

Ту’ њануњ чуњишатат пят њупчики неша” матудпёштомай”. Тай’ня чики петоњ калват” дёдышат тыњ канхана тайваштомьтуњ”. Хайму” нятапёшь ше’эмна мансдям падельш” Екатерина Пяк њука чок’ коштомай”. Калдитана” нета нятапёманта камна хайнольчи” панэт хайтудаштомай, хайму” њамлат њочи” тыпёштомай”, тутьку” њомтапёштомай”.

мансдяњ дет тохолкумахатта, Калпюдкањ садикан манслаш чепьњаш. Нюња њашкиуди” падельштуш. Четањ хайтуланањё Росинкахана манслања. Хомана мансламанта де’эмня Марина Мэювна њупчики кудкањи” награња” патлота” тањя”. Кальта мансдянта дет њайта њайвачета” камна, кудкањи” мероприятихина” мэшту, нянанта мансланна” нета” нятапёшту. Сергей Альпивињ, Марина Мэювна хампляњк’ нюњ”. Чупей чильниймана дилмтуњ миндеш дилиња”, манслања”. Вёкохоњ пушахањ нич” хомана ватамахагач, четањ нич” нюувдехе” майпёштухуњ. Нюувдечи” кудкањи” њамыдю”, нешањ дилант талана”, шедтапёш тохолдаштуњ. Мятчел” дет тондюта дяляхана Сергей Альпивињ, Марина Мэювна няхалдю” пуњ њокна дилдимањч дялямч мэ’њаханьш, питчамеч’ ЗАГСхана њайта паталт њамтањаханьш.

Чики дяляхана њадка ведву” камна шичеч’ нешањи” дет тондюта «Ямал-нюна» дя!» ассоциацињ поздравийњаш. Маня” њупчики няњаньч’ маман ха’њама”: нињьяхањ канэл, хома шоньшахана неч’ няш куптањ дилињихињ.

Сидя Һэвасяда тэ́та

(Нердена пеляда
20 номеркана Һа)

Ламдо тэ́та Һэдалай". Мань Һо" Һэдалаяв". Тет падвэми ну"мадо' яхад хэндрав' пендредо'. Тэмг"ями лэрюць санэй", вэнолй". Пелейда Һани' тарем' санэйд". Мань нись тоса" тю"у' санэйв", тад хан' ни' ха"мыв". Пунсяда ян' Һули" хаядм'. Хэвувнани я" тумдудавэй" хаюрҺа". Ханни пуд сырари ха"морҺа. Тад пуња сыльв" Һани' Ламдо тэ́та Һаха"на хаювы. Тюрымонда:

– Тэ́сяда Һацекры, Һамгэр хадкэй"? Нултад!

Мань Һани нянда нись инзеле" нерняри' Һэдалыдм'. Си"ив яля Һэдалыдм'. Си"ив яля писавэй" хад марна. Тэмг"ями ясавэй Һэвы. Си"ив яля' Һэсоҫгана мяд" Һадимя". Мяк" тэ́выв". Мядо" ёркана Һарка мя" таявы, хадҫо" ерв' мя" Һэдакы.

Мят' тюдм'. Вэсаку пухуцянда ня', Һоб" хасава нюди' таявы. Вэсакор си"ми хонрамба пя:

– Пыдар хибян? Ханяд тон? Сит тумда Һули" я"мадм'.

– Маньхаван Ламдо тэ́та хасава нюдм'. Пыдар Һани' хибян?

– Мань Ядне вэсакодм'. Хасава нюми ти.

Ядне вэсаку хасава нюда юркы", Һудида вэ́нпа пя. Си"ми манэць манма:

– Тюкохов Ламдо тэ́та хасава ню нирханю Һа". Пирцярка Һэвы, ламдорка Һавнанда Һэҫгусь.

Тарця вадахана Ядне вэсаку Һэ́та ни' санэй", си"ми ня"ма, лата' ни' си"ми пархалҺа. Мань лясё ха"мыв". Маниеб"нани Ядне вэсаку хармда тюхулҺа, мале си"ми хадаван харва. Мяд' макода' син' сылы", манма:

– Тюку Һацекрым' хадаб"нани, нув' сэвхана хэбёда юҫгодаҫтав? Ни хэбёд'?

Тад си"ми Һэдара, ма:

– Хадри' Һэя, сит хадаб"нани, нумгана хэбёбусь.

Ва"аван' Һамдыв". ҺорҺава". Пэвсюмя' няна хонэйна". Немами ни харва". Юсида ярҫадм'. Ихиняни мадм': «Һули" маянд еремядм'. Тэ́сяда нисями, Тэ́сяда небями илевы Һэпти', тарця маями юҫгудась. Теда' хавндархадм'».

Хуняна юркына", ҺорҺава". Мань тарем' мадм':

– Ядне вэсаку, Ламдо тэ́та' мят' хэванзэ пэрҫав. Тэдми нинав тат"?

Ядне вэсаку хасава нюхунда ма:

– Тыд мерку мят' танан"! Ламдо тэ́та' хасава ню Һэдалёрман харва.

Хасава нюда ты тана. Ты" поҫгат тет парисе хабтм' тэ́ра.

Ёркахат вадлайда, няни тайда, ма:

– Тюку тет парисе мэмандид Һэя".

Ханми подерпа пяв. Һули" парумбидм'. Маниеб"нани суты тяхад Һэдалёда Һадимя. Һарка Һэвасяда тэ́та Һэрханю". Һули" мерець Һэдалы. Самбляҫк хабтаркамда нусь харебида. Һарка Һэвасяда тэ́та тэ́ревонда:

– Тэ́сяда Һацекры не́я хань"! Ня"мара"!

Тарця вадахана"на тюрми, Һэва' иням' Һобкана ня"амҫахаюн, тэмгами харев. Мале Һэдалаҫгуваць, Ядне вэсаку' хасава ню мань ханни пуњаҫы тэ́ндерм' ня"ма. Си"ми Һэдалёдаҫ таб"лаван харванакы. Мань Һани' мерку Һэва' иням' вэркадтадм'. Тет парисеми нумаду яхад лакада".

Һарка Һэвасяда тэ́та мамононда:



– Теда' Тэ́сяда Һацекрым' Һули" Һэдараптаваню". Хэхэва хэ-ись, сава ты хана" нив. Си"ив я' ямбадан' тарця ты" юҫгу" ним. Тэ́сяда Һацекрым' ня"ма тарась. Теда' сяхаҫгарт' нива" хоҫгу".

Һани си"ив Һэдалыдм'. Тэмг"ями ясавэй Һэвы. Яха" хоб"нанда пендмявна ха"амсеты", пендмявна танасеты". Си"ив яля' Һэсоҫгана паҫграха хой' ни' нултав. Я' сидя ян' саҫоми Һэдарап. Хой' Һылна лапта Һэвы. Лапта' еркана Һоб" Һарка мя" таявы. Мяд' хэвхана ёнар" мян' ты" хадырмы". Хой' тэ́лувна Һэдалаяв". Мят' тэ́выв". Пихиня хан' ниня Һамдыдм'. Хибяхарт мякад ни тарп". Ихиняни мадм': «Мят' туюсь сава Һэдакы. Пихиня Һамгэм' пэ́ртадм'?»

Мят' туювани сер' сидя сэвми тум' сидямыха'. Маниебнани ва"ав' ниня

Һоб" пухуця. Хасава нюда таявы, хонёвы.

Си"ми манэць пухуцякор ма: – Хибян Һэб"нанд? Сит тумда Һули" я"мадм'.

Мань тарем' манзэ ханаҫав:

– Һавнанда Тэ́сяда Һацекрывна си"ми пэрцеты". Нисями юҫгу, небями юҫгу. Һавнанда Ламдо тэ́та хэхэсавэй то' ханҫэ хадаҫахаюдась. Теда' тумди пурҫадм', сава ненэцянди' Һэхэваб"нанди'. Хадакэ", пыдар хибян?

Пухуцяр ма:

– Һавнани Пяся" тэ́та не́дамзэ. Вэсакоми Һа маяҫгана юҫгумась. Хасава нюми Һопой, ты пэрҫа. Теда' тумда хо" нинав, ва"аван' Һамдадм'!

Ти, тикан' тандая' сававна иле-льяв".

Няхар" по Һэсоҫгана Пяся" тэ́та хасава ню манма:

– Сидя Һэвасяда тэ́таха' ян' нин хант"? Теда' пыдар маяндорманд е"эмня хадаб" саваха'. Хэб"нанд, мань Һо" тутадм', сит нядабаҫгудм'.

Тарцяям' намда мунзьялмадм'. Наҫэдя яля' ямбан' мунзидм'. Ихиняни тасламбив: «Екар", хэсь сава Һэбтав, вэва Һэбтав? Сидя Һэвасяда тэ́таха' мале хадҫо" вэсэймакэхэ". Хадаба пяб"нани, Һока ныхы вуни тараҫгу"».

Мунзьямадани мадм':

– Хадри' Һэя, хадаб"нани', Һамгэдами' хоҫгуни'? Нянани ты" ни" тара", Һамгэрт ни тара".

Пяся" тэ́та' хасава ню тикана вадасялма.

Та ёльцьҫгад хуркари хараси" илева".



Падта"ма": Руфина Окотгэто' падтавы"

«Ненецкий фольклор»
толаҫгобць' мюд ханавы. 1976
похона Ензя' няна
Тухард' тер, Ямкина Мария
Николаевна' вадэ"мы,
няданда
К.И. Лабанаускас' падвы

Нарэй ханева

Нарэй" ялэта няю' пяхава я' нийм' хаер" юдаба пяда. Нув холморта пэва' сер', еси холкана, варю џадима' сер' ядембада" яхат нув' сармик" ёндалцетыд". Тиртя" то"махад нэрм' я' тер" хурка тэтнабнандо' џо" ханева" няю' хамекулыд".

Сидянтг: Алла Вануйто' тавы"

Тев' ёльцягана ед' терџэ ты" џамзари" ни" томд", тад џо" тым' яхаб" нарэй хоба' тарта вэва, џамгэхэртаџэ нир мэџгу". Ид" хэва' нерня халям' џани' нин ватаџгу", холкаџгана" сэр" поџгарць тосакабты". Тиканда хане ховы" џамгэхэтато' ненэця" едадо' тердембидо'. Ханяџэхэ"на тарем' мюлехэя сэратавы" нув' сармик" џамзи нюртей ёрмито' џэсонд' ед' терџэ пэрцетыдо'. Хусувэй по' нэрм' тер" я' тиџгывна тарем' ханесэйм' пэрџа".

Ямал' яханана" ханевам' мин-рена" ненэця" мале џока". Ёоб" тарцям' харвобтана – Василий Нэкович Окотэтто. Пыда Ямал' няна иле, Сё-яха' харад' тер. Ёавнанда, илебей ненэць' џэванда мальџгана ты" лекар" манзаям' минревы, хой' няна џэсыхына мюсермы. Армияхад то"махаданда хардан' илелмы", тикахана пенсиян' хэванда џэсонд' манзаравы. Теда' си"ив юкад вата понда џэб" џод" ханеванз' хамеку.

Тики нями лаханакурць ня"-џавась. Василий Нэкович нюдя џэдаханда нисянда ня хане ядэро"мида тензетембись. Вадавнанда, хусувэй ханева' серо" хараха" сита нисяда тохолоавы. Пили" нюрте"э' џавлад",

џамдлад", я' ваџг" ханзер" хамэдамбвам' тамальџгы манэ"мэда. Тики' хавна нисяда поџг пядыба, есџо мярыба, яџго џабтамба, туним' мэць тохолоамбавэда. Тамальџгы" нерденя" ханесэхэта майбавамда сававна тенеда.

Хаця џарво"махаданда харта мята тер" едм' пандабандаџэ хэвы. Сидя хасава нюндя џарво"махад нюхуюта ня' хане џоб" ядэрманз' хан"џа. Ёавна нисянда ваде"мы" табеку сидя илебей ненэцянд' џани' тид" ваде"яда. Ёобтики вада, сидя џармы хасаваха' нисяхаданди' ханевам' тохолоавэди'. Харти' теда' вадёдана" хасава нюди' џани' ябто' мякана џамдэ тохолоамбиди'. Тюку нара' џоб" мяд'



Сидянтг: Хабэча Ёунгад' тадтавы

Ябда хане"махадандо', џысын' тэвбаты', ханесэйдо' тярпавыдо'.

тер хасава" џобкана ханеџгу", џани" пото' тотрев' таславы яхандо' ханда". Танияџы яхана ханена" хусувэндо' харто' ёдо' тания". Ядандо' тэра-бадидо' хуркари": яра я", яха' моџга", яха' ня"ав", хасрэ' то' хэвхы". Тарця" я" тирти" мин' џылна

џэбто' серо"џа", тарцяха" нув' сармик" лакамбой' хадырманз' џамдалџга".

Лаканакурць ня"мы няни, Василий Нэкович' вадавна ханева' ёльцянда тания. Хусувэй ханей ненэць' ханзели" ябдаб"нанда џод" еданда тер' тяхамна ваць ханебата ни серос". Маџгты" иры' пэхэва, нув' сармик" пидяхато' џамдвандо' нерня, хасава" хане џэвадаџга". Теда' иры' падаркана нарэй ханева' ёльцянда таславы, хусувэй районхана џопой ю" яля ябто' мякана мэсь серо"џа.

Ёарка няна" вадавна, ненехо-вавна якоцява" сямбана" тара, ядэро"ма' пуд я хабтокоцяџэ хаебада. Тики џармы нява"

- хусувэхэна тоса тара;
- ханева сянакубц ни џа";
- мирвхад юрхалџга вэва – таслава селина туним' мэць тара;
- тароси" тиртявна енерць вэва.

џацекэхэ" табекуда џоб" ваде"яда:

Ти, тарця хэбиџоку сава ларём' џармы нями няць минревась. Ханева – нэрм' тер" џыхы џадимы серто', тев' тенд' нарам', ябто" мун џатейдо'. Теда' вадёдана" џацекы" џарка нито' табекохо" инзелехэвабто', нув' сармикавна енерта" хасев" тунин' пенд тамна пон' намдортына", мяканана" ханесэй" џамзахат една" панта". Невхы илна" саирм' нерня' тид" минреџгува".

Алла Вануйто'
падвы

Газета
«Няръяна Нэर्म»

Главный редактор
Яр Марина
Тэтакучевна

И.О. генерального директора
АНО «Ямал-Медиа»
Легкий Юрий Юрьевич

№ 21 Подписано в печать 21.05.2026 г.
Вышла в свет 23.05.2026 г.
По графику: 16.00, фактически: 16.00.

ПОДПИСНЫЕ ИНДЕКСЫ:
на год – ПА701,
на полугодие – ПР562.

Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708).

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559

Тираж 3600 экз.

Заказ № 158 тз (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнунянца, д. 1, каб. 106

Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г. Салехард, мкр. Богдана Кнунянца,
д. 1, каб. 106
тел. +7 (349 22) 4-53-32

E-mail: nn@yamal-media.ru